



სატენდერო დოკუმენტაცია

მაღალი გამავლობის ავტომობილის შესყიდვა

CPV – 34100000

შესყიდვის სავარაუდო ღირებულება – 105 000,00 ლარი

ქ. ქუთაისი
თებერვალი, 2012 წელი

სარჩევი

1. ტექნიკური დავალება
2. საკვალიფიკაციო მოთხოვნები
3. დანართი №1 – სატენდერო წინადადების ფორმა
4. დანართი №2 – ფასების ცხრილის ფორმა
5. დანართი №3 აფიდავიტის ფორმა
6. დანართი №4 ხელშეკრულების შესრულების საგარანტიო უზრუნველყოფა
7. სახელმწიფო შესყიდვების შესახებ ხელშეკრულების პროექტი

ტექნიკური დავალება

1. შესყიდვის ობიექტი: ერთი ერთეული მაღალი გამავლობის ავტომობილი

2. შესყიდვის ობიექტის მახასიათებლები და ტექნიკური პარამეტრები:

- ავტომობილის გამოშვების წელი – 2011 ან 2012;
- გარბენი – არაუმეტეს 50 კმ-სა;
- საჭე – მარცხნივ;
- საწვავის ტიპი – ბენზინი;
- განზაფხულები;
- ქარხანა მწარმოებლის სრული გარანტია – 3 წელი ან 100000 კმ (რომელიც უფრო მალე შესრულდება);
- ფერი – შავი;
- ადგილების რაოდენობა – 7;
- კარების რაოდენობა – 5;
- ძრავის მოცულობა – არანაკლებ 4,0 ლ.;
- ძრავის სიმძლავრე – არანაკლებ 250 ც.ძ.;
- 5 სიჩქარიანი ავტომატური კოლოფი;
- ტრანსმისია – სრული ამძრავი 4x4
- მანქანის სიმაღლის რეგულირება;
- საწვავის ავზი 87–90 ლიტრი;
- მუხრუჭების ელექტრო განაწილება;
- Multi Terrain ABS+BA, მანქანის უგზოობის მცოცავი რეჟიმი;
- KDSS-სტაბილიზაციის სისტემა;
- მანქანის სტაბილურობის კონტროლი +TRC;
- კრუიზ კონტროლი (ცივი ქვეყნებისთვის);
- მძღოლის ორმაგი უსაფრთხოების ბალიში, მუხლის და გვერდითი ბალიშები;
- მგზავრის წინა და გვერდითი ბალიში;
- წინა და უკანა პარკირების სენსორი;
- მინიმუმ უკანა ხედვის კამერა;
- კონდინციონერი, კლიმატკონტროლი;
- შავი ფერის ტყავის სავარძლები;
- მესამე რიგის სავარძლები;
- მძღოლის და მგზავრის სავარძლის გათბობა;
- ელექტრო ლუქი და ფარების გამრეცხი;
- DVD, CD, რადიო;
- ელექტრო ფანჯრები და ცენტრალური საკეტი;
- ალუმინის დისკები 265/60/R18 საბურავებით;

3. საქონლის მიწოდების ვადა: არაუმეტეს ხელშეკრულების გაფორმებიდან 15 დღისა.

4. საქონლის მიწოდების ადგილი: ქ. თბილისი.

5. ავტომობილის ფასი წარმოდგენილი უნდა იქნას შესყიდვის ობიექტის მიწოდებასთან დაკავშირებული (მათ შორის ტრანსპორტირების, განზაფხების, სახელმწიფო რეგისტრაციის, სანომრე ნიშნისა და შემსყიდველზე გადაფორმების) ყველა ხარჯის და კანონმდებლობით გათვალისწინებულ ყველა გადასახადის გათვალისწინებით. ხარჯები, რომლებიც სატენდერო

წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

6. პრეტენდენტს უნდა გააჩნდეს აღნიშნულ სფეროში საქმიანობის მინიმუმ 2 წლიანი გამოცდილება;
7. პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაციები:
 - ა) სატენდერო წინადადება დანართი №1-ის შესაბამისად.
 - ბ) ფასების ცხრილი დანართი №2-ის შესაბამისად.
 - გ) ინფორმაცია საგარანტიო პირობების შესახებ.
 - დ) ინფორმაცია ანალოგიური მიწოდების განხორციელების გამოცდილების შესახებ (არანაკლებ 5 სუბიექტის ჩამონათვალი, რომელთაგანაც განხორციელდა მსგავსი საქონლის მიწოდება).

** პრეტენდენტი ვალდებულია სატენდერო წინადადება და ფასების ცხრილი წარმოადგინოს სრულყოფილად შევსებული დანართი №1 და დანართი №2 ფორმით:*

** ყველა დოკუმენტი უნდა იყოს უფლებამოსილი პირის მიერ ხელმოწერილი და ორგანიზაციის ბეჭდით დამოწმებული.*
8. სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის „ა“ და „ბ“ ქვეპუნქტებში განსაზღვრულ მოთხოვნებზე.
 - ა) ანგარიშსწორება განხორციელდება მოწოდებული საქონლის ღირებულების შესაბამისად მიღება-ჩაბარების აქტის გაფორმების შემდეგ.
 - ბ) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.
9. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე.

აფიდავიტის საილუსტრაციო ფორმა მოცემულია დანართ N3-ში. დანართი N3-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.
10. პრეტენდენტს უფლება არ აქვს, წარმოადგინოს ალტერნატიული სატენდერო წინადადება.
11. წინასწარი ანგარიშსწორება დაუშვებელია.
12. ელექტრონული გარანტიის მოქმედების ვადა უნდა შეადგენდეს მინიმუმ 30 კალენდარულ დღეს.
13. ტენდერში გამოყენებული იქნება ხელშეკრულების შესრულების უზრუნველყოფის საბანკო გარანტია, ხელშეკრულების საერთო ღირებულების 3%-ის ოდენობით, რომლის მოქმედების

ვადა 30 დღით უნდა აღემატებოდეს ხელშეკრულების მოქმედების ვადას (ხელშეკრულების შესრულების უზრუნველყოფის საბანკო გარანტიის ფორმა იხილეთ დანართი №4-ით).

14. პრეტენდენტს უფლება აქვს შესყიდვის პროცედურებთან დაკავშირებით მიიღოს დამატებითი ინფორმაცია და განმარტებები შემდეგი საკონტაქტო პირისგან: ლ. გვაზავა, ტელ: 577 774 554; ელ. ფოსტა: gvazavalika@gnerc.org

შენიშვნა:

1. სახელმწიფო შესყიდვების ელექტრონული სისტემის მომხმარებლის სახელმძღვანელო მოცემულია საიტზე: www.procurement.gov.ge
2. სახელმწიფო შესყიდვების სააგენტოს თავმჯდომარის 2011 წლის 7 აპრილისი №9 ბრძანება „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ მოცემულია საიტზე www.procurement.gov.ge

საკვალიფიკაციო მოთხოვნები

სატენდერო კომისიის გადაწყვეტილების თანახმად. პირმა, რომელიც გამარტივებული ელექტრონული ტენდერის შედეგების მიხედვით გამოცხადდება გამარჯვებულად, სატენდერო კომისიის მიერ განსაზღვრულ ვადაში უნდა წარმოადგინოს საკვალიფიკაციო მოთხოვნების დამადასტურებელი შემდეგი დოკუმენტაცია:

1. იურიდიულმა პირმა, ამხანაგობამ ან ინდივიდუალურმა მეწარმემ:

- ა) ამონაწერი მეწარმეთა და არასამეწარმეო იურიდიული პირების რეესტრიდან;
- ბ) ცნობა თბილისის ან ქუთაისის საქალაქო სასამართლოდან, რომ პრეტენდენტის მიმართ არ მიმდინარეობს გადახდისუუნარობის საქმის წარმოება.

შენიშვნა:

- ა) ამონაწერი მეწარმეთა და არასამეწარმეო იურიდიული პირების რეესტრიდან მოთხოვნილია მეწარმე სუბიექტისთვის რეგისტრაციის დადასტურებისა და მის წარმომადგენლობითი უფლებამოსილებით აღჭურვილი პირის იდენტიფიკაციისათვის, კონტრაგენტის სახელით ხელშეკრულებაზე ხელმოწერი პირის განსაზღვრის მიზნით.
- ბ) სასამართლოს ცნობა, რომ პრეტენდენტის მიმართ არ მიმდინარეობს გადახდისუუნარობის საქმის წარმოება მოთხოვნილია მეწარმე სუბიექტისთვის წარმომადგენლობითი უფლებამოსილებით აღჭურვილი პირის (დირექტორის, პრეზიდენტის, მეწარმის, თავმჯდომარის ან სხვა) საქმიანობის განხორციელებისას, მისი უფლებაუნარიანობის შეზღუდვის არსებობა.არარსებობის დადგენის მიზნით.
სატენდერო კომისია თვლის, რომ სამეწარმეო სუბიექტი, რომლის მიმართაც სასამართლოს წარმოებაში მიღებული აქვს განცხადება გადახდისუუნარობის შესახებ, სათანადოდ ვერ უზრუნველყოფს გამარტივებული ელექტრონული ტენდერის პირობებით განსაზღვრული ვალდებულებების შესრულებას.

2. ფიზიკურმა პირმა:

- ა) პირადობის მოწმობის ან პასპორტის ასლი;
- ბ) გადასახადის გადამხდელის მოწმობის ასლი.

შენიშვნა:

- ა) პირადობის მოწმობის ან პასპორტის ასლი მოთხოვნილია პრეტენდენტი ფიზიკური პირის იდენტიფიკაციის მიზნით.
- ბ) ფიზიკური პირის გადასახადის გადამხდელის მოწმობა მოთხოვნილია საქართველოს საგადასახადო კოდექსის 154-ე მუხლის „დ“ ქვეპუნქტის მოთხოვნათა გათვალისწინებით.

სატენდერო წინადადება

1. პრეტენდენტის რეკვიზიტები:

- იურიდიული ფორმა და დასახელება:
- ხელმძღვანელის სახელი და გვარი:
- იურიდიული მისამართი:
- ფაქტიური მისამართი:
- საიდენტიფიკაციო კოდი:
- ტელეფონის/ფაქსის ნომერი:
- ელექტრონული ფოსტის მისამართი:
- მომსახურე ბანკის დასახელება და კოდი:
- ანგარიშსწორების ანგარიში:

სახელმწიფო შესყიდვების ერთიან ელექტრონულ სისტემაში შემოთავაზებული სატენდერო წინადადების ფასი შეადგენს: _____ ლარს.

ამით ვადასტურებთ, რომ გაცნობილნი ვართ „სახელმწიფო შესყიდვების შესახებ“ საქართველოს კანონსა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესს“ და ტენდერის მსვლელობის დროს ვიმოქმედებთ დადგენილი წესების და ნორმების ფარგლებში.

პრეტენდენტის სახელით
(უფლებამოსილი პირის სახელი, გვარი,
თანამდებობა და ხელმოწერა/ბეჭედი)

ფასების ცხრილი

№	საქონლის დასახელება	მწარმოებელი ქვეყანა	ავტომობილის მახასიათებლები და ტექნიკური პარამეტრები	საქონლის ღირებულება (ლარი)	საგარანტიო ვადა	მიწოდების ვადა	მიწოდების ადგილი
1	2	3	4	5	6	7	8
1	მაღალი გამავლობის ავტომობილი (ერთი ერთეული)						ქ. თბილისი

პრეტენდენტი ორგანიზაციის დასახელება: -----

პრეტენდენტის სახელით
(უფლებამოსილი პირის სახელი, გვარი,
თანამდებობა და ხელმოწერა/ბეჭედი)

აფიდავიტის საილუსტრაციო ფორმა

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;

* ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულია კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯარობის მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერა, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

**ხელშეკრულების შესრულების საგარანტიო უზრუნველყოფა
(საბანკო გარანტია)**

ვის: _____
(შემსყიდველის დასახელება)

მხედველობაში ვიდებთ რა, რომ _____
(მიმწოდებლის დასახელება)

შემდგომში “მიმწოდებელმა” _____ ტენდერში წარდგენილი თავისი
(ტენდერის დასახელება)

სატენდერო წინადადების შესაბამისად იკისრა ვალდებულება წარმოადგინოს საბანკო გარანტია მასზე დაკისრებული ვალდებულებების შესრულების გარანტიის სახით ხელშეკრულებაში მითითებულ თანხაზე, ჩვენ თანახმა ვართ გავცეთ მიმწოდებლის სახელზე ზემოთ აღნიშნული გარანტია.

ამასთან დაკავშირებით, ვადასტურებთ, რომ ვართ გარანტები და პასუხისმგებლები თქვენს წინაშე მიმწოდებლის სახელით საერთო თანხაზე _____
(თანხა ციფრებით)

(თანხა სიტყვებით)
და ვკისრულობთ ზემო აღნიშნული თანხის გადახდას მიმწოდებლის მიერ ხელშეკრულების პირობების დარღვევის საფუძველზე თქვენი პირველივე მოთხოვნისთანავე.
წინამდებარე გარანტია ძალაშია მიმწოდებლის მიერ ხელშეკრულების პირობების შესრულების საბოლოოდ დამთავრებამდე.

გარანტების ხელმოწერა და ბეჭედი

(თარიღი)

(მისამართი)

სახელმწიფო შესყიდვების შესახებ ხელშეკრულების პროექტი

ხელშეკრულება N _____

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ.თბილისი

20__ წელი.

ერთის მხრივ სსიპ საქართველოს ენერგეტიკისა და წყალმომარაგების მარეგულირებელი ეროვნული კომისია (შემდგომში „შემსყიდველი“) წარმოდგენილი მისი აღმასრულებელი დირექტორის ზაალ ჩომახიძის სახით და მეორეს მხრივ, _____ (შემდგომში „მიმწოდებელი“) წარმოდგენილი მისი დირექტორის _____ სახით, სახელმწიფო შესყიდვების კანონის და პრეტენდენტის (მისი დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში - „ხელშეკრულება“) - შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „შემსყიდველი“ – ორგანიზაცია, რომელიც ახორციელებს შესყიდვას.
- 1.4. „მიმწოდებელი“ – პირი, რომელიც ახორციელებს საქონლის მიწოდებას ხელშეკრულების ფარგლებში.
- 1.5. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

მუხლი 2. ხელშეკრულების საგანი

- 2.1. წინამდებარე ხელშეკრულების საგანს წარმოადგენს ერთი ერთეული მაღალი გამავლობის ავტომობილის შესყიდვა, (შემდგომში „საქონელი“) ტექნიკური დავალების შესაბამისად.

მუხლი 3. ხელშეკრულების შესრულების კონტროლი

- 3.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მოწოდებული საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 3.2. ხელშეკრულების 3.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებს კომისიის სამეურნეო სამმართველოს უფროსი – ვასილ მახათაძე.
- 3.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

მუხლი 4. მომსახურების მიღება-ჩაბარების წესი

4.1. მიმწოდებელმა მოწოდებულ საქონელზე უნდა გააფორმოს შესაბამისი მიღება-ჩაბარების აქტი.

4.2. საქონელი ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირებს შორის მიღება-ჩაბარების აქტის გაფორმების შემდეგ.

მუხლი 5. ხელშეკრულების ღირებულება და ანგარიშსწორების წესი

5.1 საქონლის ერთეულის ფასების, მწარმოებელი ქვეყანა, ტექნიკური პარამეტრები, საგარანტიო ვადა, მიწოდების ადგილი და მიწოდების ვადა მოცემულია ხელშეკრულების დანართი №1-ში, რომელიც წარმოადგენს ხელშეკრულების განუყოფელ ნაწილს (ფასი მოცემულია დღგ-ს ჩათვლით).

5.2 წინამდებარე ხელშეკრულებით გათვალისწინებული საქონლის ღირებულება შეადგენს _____ ლარს დღგ-ს ჩათვლით („ხელშეკრულების ღირებულება“).

5.3. ხელშეკრულების ღირებულება მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს.

5.4. ხელშეკრულების ღირებულების (ან მისი ნაწილის) გადახდა ხორციელდება უნაღდო ანგარიშსწორების წესით, ეროვნულ ვალუტაში.

5.5. ანგარიშსწორება ხორციელდება მიღება ჩაბარების აქტის და შესაბამისი საგადახდო დოკუმენტების (ანგარიშ-ფაქტურა, სასაქონლო ზედნადები) შემსყიდველისათვის მიწოდების თარიღიდან 20 დღის განმავლობაში (იმისდამხედვეთ, რომელი უფრო გვიან მოხდება).

მუხლი 6. მხარეთა უფლება-მოვალეობები.

6.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მოწოდებული საქონელი;

6.2. შემსყიდველი ვალდებულია გადაუხადოს მიმწოდებელს მოწოდებული საქონლის ღირებულება ხელშეკრულებით გათვალისწინებული პირობების შესაბამისად;

6.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული საქონელი;

6.4. მიმწოდებელს უფლება აქვს მოწოდებული საქონლის სანაცვლოდ მიიღოს ხელშეკრულებით გათვალისწინებული ფასი.

მუხლი 7. ხელშეკრულების შესრულების უზრუნველყოფის გარანტია

7.1 ხელშეკრულების პირობების შეუსრულებლობის გამო, გამოყენებული იქნება შემსყიდველთან წინასწარ შეთანხმებული ბანკის უპირობო საბანკო გარანტია ხელშეკრულების ღირებულების 3%-ის ოდენობით, რომლის მოქმედების ვადა 30 (ოცდაათი) დღით უნდა აღემატებოდეს ხელშეკრულებით გათვალისწინებული ვალდებულების შესრულების საბოლოო ვადას.

7.2. მიმწოდებლის მიერ ხელშეკრულებით ნაკისრი ვალდებულებების დადგენილ ვადაში სრულად შესრულების შემდეგ შემსყიდველი დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

7.3. ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში შემსყიდველი არ დაუბრუნებს მიმწოდებელს ხელშეკრულების შესრულების უზრუნველყოფის გარანტიას და გამოიყენებს უპირობოდ დარიცხული პირგასამტეხლოს ფარგლებში.

მუხლი 8. მხარეთა პასუხისმგებლობა ხელშეკრულების პირობების შეუსრულებლობისათვის

8.1 ხელშეკრულებით ნაკისრი ვალდებულებების შესრულების ვადების გადაცდენის შემთხვევაში, ყოველი დაგვიანებული დღისთვის, მიმწოდებელს ეკისრება პირგასამტეხლო ხელშეკრულების ღირებულების 0,1 %-ოდენობით.

8.2 იმ შემთხვევაში თუ ვადების გადაცდენისთვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3%-ს, შემსყიდველს უფლება აქვს შეწყვიტოს ხელშეკრულება.

8.3. მიმწოდებლის მიერ ხელშეკრულების შეწყვეტის შემთხვევაში, მიმწოდებელს ეკისრება პირგასამტეხლო ხელშეკრულების ღირებულების 3%-ის ოდენობით.

მუხლი 9. ხელშეკრულებაში ცვლილების შეტანა და ხელშეკრულების შეწყვეტა

9.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

9.4. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 10. ფორს-მაჟორი

10.1 მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

10.2 თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

10.3 მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

მუხლი 11. დავები და მათი გადაწყვეტის წესი

11.1 ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

12.1 ხელშეკრულება ძალაში შედის ხელმოწერის დღიდან და მოქმედებს 2012 წლის 30 მარტამდე.

მუხლი 13. ზოგადი დებულებები

13.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

13.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

13.3. ხელშეკრულება შედგენილია ქართულ ენაზე, სამ თანაბარ იურიდიული ძალის მქონე ეგზემპლარად (ერთი ეგზემპლარი მიმწოდებელს, ორი ეგზემპლარი შემსყიდველს).

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

მიმწოდებლის მხრიდან:

(უფლებამოსილი პირის სახელი, გვარი, ხელმოწერა და თანამდებობა)

(უფლებამოსილი პირის სახელი, გვარი, ხელმოწერა და თანამდებობა)

ბ.ა.

ბ.ა.